

Lutzenburgicus Ducatus & Trevirensis Provincia.

Regio.
Unde nomē ha-
beat.

Situs.

Soli fertilitas.

Imperium majo-
rum.

Urbes.

Restant in Inferiori Germania duæ Provinciæ, *Ducatus Lutzenburgicus & Trevirensis Provincia*, pau-
cis explicandæ. Ducatus *Lutzenburgicus* nomen habet a primaria totius regionis Civitate : hæc (ut
nonnulli opinantur) a fluvio *Elza* *Alisomia* forte Antonini. Ab *Elza* fit *Elzen-burch*; inde *Lutzen-
burch*. Petrus Divaſus aliam de Lutzenburgo ſententiam notat his verbis: *Lencorum gentem* (inquit)
iuxta *Treviros*, *Mediomatrices*, ac *Lingonas* habitaffe indubitatum eſt : *Opida eorum Tullus ac Naſum*, *Ptolemao* ce-
lebrata nomen ſervant, *Toul & Nancy*; vernacule crediderim appellatos, de *Lutzen*, & late imperaſſe, ut ab iſis *Lutzenburgiſ*
celebris *Opidi* nomen ortum ſit, quaſi der *Lutzen-burch*. Hæc ille. Terminant hunc Ducatum ad Septentrionem
Leodieneſes & Namurcenſes; ad Auſtrum *Lotaringi*; ad Ortum *Mofella* cum *Episcopatu Trevirenſi*; ad Occa-
ſum *Mofa* cum *Silva Arduenna*. Ambitus totius regionis eſt *Lxx* milliarium. Regio hæc licet montofa &
ſaltuoſa, bona tamen, benignaque ac fertilis eſt. Dividitur in duas partes, quarum altera *Famenna*, al-
tera *Arduenna* dicitur. *Famenna* fertilior eſt *Sægetis & Vini*. *Arduenna* aſperior; ſed quæ aſperitatem vena-
tionum bonitate & *Ferarum* optimi generis mirifica abundantia compenſet. Metalla *Ferri* ſunt non procul a
Manderscheid, in dominiis *Keyla*, *Cronenberch & Sleida*, ad vallem cui nomen eſt *Hellenthal* : Conſtantur
hoc loco ab iſtis *Cyclopibus* incudes, fornaces ferreæ, pyreteria, quæ per totam Germaniam ingenti lucro
diſtrahuntur. Titulum duntaxat Comitatus initio habuit, atque adeo *Henricus Septimus Imp.* Comes fuit
Lutzenburgicus non *Dux*. Poſtea in Ducatus dignitatem, qua hodie adhuc utitur, eveſta fuit. Hoc alii
Wenceſlao Romanorum Regi, alii *Carolo quarto* tribuunt; *Conradus* autem *Vercetius Henrico vii* ad-
ſcribit primo ex ea familia Romanorum Imperatori. Primum huius Comitem *Sigifridum* fuiſſe, in ſchedis
manu exaratis ſe reperiffe ſcribit *Ortelius* : eumque Filium fuiſſe *Tacuinii Ducis Moſellani*. Fuit olim *Lut-
zenburgum Trevirorum* portio. Urbes habet viginti, vallo & foſſa munitas, quarum nomina hæc ſunt:
Lutzenburgum, *Arlonum*, *Rodemachera*, *Theonis villa*, *Gravemacherum*, *Comingsmacherum*, *Dierichum*, *Va-
tonium*, *Echternachum*, *Vianda*, *Baſtonacum*, *Mommedium*, *Novum Caſtrum*, *Darvillerium*, *Mar-
villa*, *Roccha*, *Durbis*, *S. Viti urbs*, *Marza & Salma*. Sunt & Urbes aliquot quarum mœnia ſolo æquata:
ſunt & Arces Urbium pene æmulæ, *S. Joannis & Manderscheid*, quibus titulus eſt Comitatus. Urbs pri-
maria *Lutzenburgum*, aliis *Lucenburgum*, & *Leuceburgum*, *Ptolemao Auguſta Romandiorum*. *Guicciardinus*
dictum vult quaſi *Lucisburgum*, hoc eſt, arx Solis : quemadmodum pleraque alia huius tractus loca a *Gen-
tilium Diis* denominata videri poſſunt : *Arlon* ab ara *Lunæ*, *Ivois* a *Iove*, *Marche* a *Marte* : ſed an hæc vera
origo ſit, alius eſto arbiter. Urbs ſita eſt loco peramœno, parte altera montofa, altera plano. Hanc *Elza*
fluvius interluit, partem Urbis ſuperiorem & montanam, ab inferiori & plana dirimens. Edificia in ea do-
musque utcunque ſplendidæ, verum belli injuriis varie afflicta: ac Templum ſacrum *Nicolao* : Cœnobium
Franciſco, in quo ſepultus *Ioannes Lutzenburgicus Rex Bohemiæ*, filius *Henrici vii Imperatoris & Pater*
Caroli iv. Urbs hæc etſi *Martis* frequenter deformata furoribus, cui nihil cum Muſis otio & tranquillitate
gaudentibus